

ISIFUNDO SESINE Ukwendlalela lokulima uxubanisa izilimo

UKWENDLALELA

Kungani kuqakathekile ukwendlalela izilimo zakho ingubo yomhlabathi?


Ingubo yomhlabathi inceda ngoku:

- Bulala ukhula, kwehlise lamandla okukhula kwalo.
- Yehlisa amandla amathonsi ezulu nxa etshaya phans lokugeleza kwalo kuvikela ukugugudeka komhlabathi.
- Londoloza ubumanzi ukuthi bungapheli masinya ngokutshisa kwelanga.
- Vundisa umhlabathi nxa ingubo yomhlabathi ibola isibangumvundiso.
- Yehlisa ukutshisa emhlabathini.

Kulemihlobo emibili yokwendlalela ensimini: ukwendlala utshani, kumbe amahlanga, loba amahlamvu okomileyo lokulima izilimo ezinabayo ngaphansi kwamaside ezilimo:

Esebenzisa okomileyo

- Lapha kubalisa amahlamvu ezihlahla, amahlanga ezilimo lotshani okomileyo.
- Buthelela amahlanga, amahlamvu, lotshani kungakadliwa kwachithizwa yizifuyo kumbe ukutshiswa ngomlilo.
- Yembesa umhlabathi ungakahlanyeli, kumbe izilimo zisanda ukumila.



Isilimo esendlalelwe amahlamvu, utshani kumbe amahlanga



USAID
UNCEDO OLUVELA
EBANTWINI BEAMERICA



CNFA
Cultivating New Frontiers
in Agriculture

Ukulima izilimo ezinabayo ezizasebenza njengomthunzi ozavikela ukuthi ubumanzi bomhlabathi bunga baleki masinya

- Lokhu kuhlangukela ukuhlanyela amathanga, indumba zesintu, amakhomane kumbe amajodo.
- Ukulima lokhu kuyamnceda umlimi ukuthi avune izilimo ezinengi endimeni eyodwa.
- Kumele ukuthi nxa zizahlanyelwa zombili izilimo lezi ,zihlanyelwe ngendlela engaminyananga.
- Isilimo sokwembesa umhlabathi kumele sihlanyelwe kumaviki amathathu isilimo esiyisiqokoqela similile.



Ungaxubanisa Amabele / Indumba / Amazambane.

UKUNTSHINTSHANISA IZILIMO ENDIMENI


Kungani kuqakathekile ukuntshintshanisa izilimo endimeni

- Kuyancedisa ukungezelela ukuvunda komhlabathi lokubumbana kwawo.
- Kuyavumela ukusebenziseka kwemisoco yomhlabathi kusiya ngokutshona kwempande zezilimo ezitshiyeneyo.
- Kuvikela ukwakhela kobudli lemikhuhlane ethile endimeni, ukhula lamathuku lemihogoyi.

Ukuvuna loku londoloza isivuno

- Kuqakathekile ukuvuna isilimo sesivuthiwe uphinde usisebenze ngendlela engasilimaziyo.
- Vuna ngokuphangisa izibungu lobudli kungakahlaseli emasimini.
- Yehlukanisa isivuno esilimeleyo, esihlaselwe yimikhuhlane kuleso esihlanzekiliyo.
- Hlungula ukhiphe imule, amatshe lengcekeza yokhula esivunweni.
- Isivuno kumele sonyiswe okwaneleyo ukuze singa hlaselwa yimkhuhlane.
- Gcina isivuno sakho endaweni evikelekeleyo ezibungwini, emikhuhlaneni lebudlini obunjengamagundwane.
- Fafaza amabele ngemithi esemthethweni kumbe eyesinthu eyaziwayo.

Isiphala esakhiwe ngendlela eqondileyo



NB: Buza umlimisi nxa udinga olunye ulwazi ngalesi sifundo.